

KUIDADÓ

di

LAMAN



UN GUIA PA HABITANTE
TOKANTE DI SOSTENIBILIDAT
MARINO NA KÒRSOU.



Implemented by Expertise France
Mis en œuvre par Expertise France



GFDRR



THE WORLD BANK
IBRD • IDA | WORLD BANK GROUP

In collaboration with GFDRR
En collaboration avec le GFDRR



PRÓLOGO

Bon bini na "Kuidadó di Laman: Un guia pa habitante tokante di sostenibilidadat marino na Kòrsou" tresé n'abo di parti di Green Phenix ku apoyo sumamente balioso di e programa Resilience, Sustainable Energy, and Marine Biodiversity (RESEMBID). RESEMBID ta un programa ku 47 proyekto finansiá dor di e Union Europeo, implementá dor di Expertise France.

E dokumento aki ta bo guia pa bira Kuidadó di laman, un defensor di nos tesoronan marino, i un kampion pa e futuro di Kòrsou su maraviyonan kantu di kosta.

Kòrsou, ku su kultura vibrante, paisahenan asombroso, i awanan blou en berdat ta un paraiso. Sin embargo, bou di superfisie di e bunitesa natural tin un ekosistema delikado ku mester di nos protekshon. Nos medio ambiente di laman ta un tesoro di biodiversidat, ku no ta solamente ofresé bistanan impresionante pero tambe kuminda, rekreashon, i un fuente di entrada pa nos komunitatnan.

Green Phenix a traha huntú ku RESEMBID pa tresé'bu e guia aki. E ta reflehá nos compromiso kolektivo pa preservá e medio ambiente di

laman pa futuro generashonnan. Nos meta ta pa sirbi nos komunitat, duna e konosementu, i rekursionan nesesario pa tuma desishonnan sostenibel.

Den e siguiente páginanan nos lo kuminsá un biahe di deskubrimentu i akshon, siñando mas di polushon marino, konsumo sonstenibel, maneho di shushi, i e prinsipionan di un ekonomia sirkular. Nos meta ta pa empoderá'bu ku konosementu práktiko i inspirá'bu pa tuma stapnan simpel pero impaktante pa un medio ambiente di laman mas limpi.

Sea si bo ta un habitante di Kòrsou pa henter bo bida of si ta resien bo a hasi e isla aki bo kas, bo tin un ròl krusial den protekshon di nos herensia marino. Huntú nos por redusí polushon, preservá nos bunita ekosistema kantu di kosta, i sigurá ku nos playanan ta keda limpi pa futuro generashonnan.

Segun ku bo ta lesa e guia aki, kòrda ku tur akshon chikitu to kontribuí na e mishon mas grandi di protehá Kòrsou su tesoro marino. Ban bula aden i bira Kuidadó di Laman, trahando huntú pa protehá i kuida e maraviyonan natural ku ta rondoná nos isla.

E biahe ta kuminsá akinan. Abo ta kla pa bira un Kuidadó di Laman?



MEDIO AMBIENTE DI LAMAN: un kabuya salbabida importante pa bida riba un isla

E medio ambiente di laman ta e esensia di islanan chikí manera Kòrsou i su importansia ta yega mas leu ku djis su bunitesa. Pa e siguiente motibunan aki e ta importante:

Mantenshon ekonómiko: Nos ekosistemanan marino ta proveé un fuente di entrada importante pa hopi habitante. Piskamentu, turismo, i aktividatnan di rekreo ta kontribuí konsideráblemente na nos ekonomía, sosteniendo bida i negoshi.

Seguridad di alimento: Laman ta perkurá pa un parti grandi di nos dieta. E ta e fuente primario di proteina i alimento pa nos komunitatnan, lokual diréktemanente ta konektá e salú di nos laman na nos bienestar.

Defensa natural: Ref di koral i palu di mangel ta aktua komo barera natural, protehando nos kosta kontra di eroshon i tormenta. Ekosistemanan marino salú ta mehorá nos resistensia kontra di kambio di klima i eventonan di wer ekstremo.

Biodiversidat i turismo: E bida marino vibrante i playanan puro to atraé turista di henter mundu. Turismo no ta solamente sostené nos ekonomia pero tambe fomentá interkambio kultural i konekshonnan internashonal.

Regulashon di klima: Laman tin un ròl importante den regulá nos klima. E ta absorbé i warda kooldioxide, lokual ta yuda redusí e impakto di keintamentu di tera. Ademas, mas ku mitar di oksígeno ku nos ta inhalá ta wòrdu produsí dor di e magnifikó i maravioso blou. Laman salú ta esensial pa un klima stabil.

Rekreashon i bienestar: Nos medio ambiente di laman ta ofresé hopi oportunidad pa relahá, rekreashon, i un kalidad mas haltu di bida. E ta duna nos un sentido di hogar i identidat kultural ku ta enrikesé nos bida.

Pa islanan chikitu manera Kòrsou, e medio ambiente di laman no ta solamente un bunita bista den fondo; e ta e fundashon di nos identidat, kultura, i prosperidat. Pa protehé no ta djis un deber na medio ambiente pero tambe un invershon den nos futuro bienestar.



DI OPHON PA KAMBIO: Bo impakto riba Kòrsou su mundu marino

Mientras ku konservashon di e medio ambiente di laman di Kòrsou ta un responsabilidad kompartí, e ta kuminsá ku nos kada un personalmente. Nos tur ta representá nos isla su maravíonan natural i nos akshonnan índividual ta karga hopi peso den e esfuerso kolektivo aki.



Konsiderá e poder di bo eskohonan: ku kada produkto ku bo kumpra of nenga, bo ta forma bo mes bida pero tambe e mundu rondó di'bo. E ta un akto di responsabilidad personal ku ta kontribuí na e kausa mas grandi di protekshon di e medio ambiente. Dor di tuma desishonnan konsiente, ku ta duna prioridat na sostenibilidad, bo ta bira un partisipante aktivo den krea un futuro mas limpi i salú.

Kada biaha ku bo ta bebe awa di kranchi, enbes di un bebida di un bòter di plèstik, i apoyá negoshinan lokal i sostenibel, of resiklá bo shushi bon, bo ta tuma un stap den redusí e tenshon ku tin riba nos ekosistema marino.

E askhonan chikitu aki, ora k'é ta wòrdu multipliká, ta krea un impakto grandi.

E guia aki ta pa dunabu e konosementu i hèrmèntnan pa hasi eskohonan sostenibel, no pasó ta un obligashon pero pasó bo ta rekonosé e importansia di protehá Kòrsou su bunitesa natural p'abo mes, bo komunidad, i generashonnan futuro.

Ta kuestion di tuma responsabilidad personal pa e mundu ku bo kier biba aden.

Komo bo ta kuminsá ku e biahe aki, kòrda ku tur desishon ta konta. Bo dedikashon na biba sostenibel ta proba bo kompromiso pa un futuro mas briante, limpi, i harmonioso.

DESEN MASKARÁ E MENASA

Polushon di plèstik
riba Kòrsou su
mundu di
maravía marino



KAPÍTULO 1

Den e promé kapítulo aki nos lo kuminsá na e kurason di e asunto urgente – polushon di plèstik den nos bunita ambiente marino. Prepará bo mes pa deskubrí e peligernan skondí bou di e olanan.

UN ISLA SITIÁ: E bataya ímprobabel na e tereno brutu di Kòrsou su kosta Nòrt

Para riba e kosta Nòrt di Kòrsou yen di baranka unda e laman kontínuamente ta dal brutu kontra di e kosta. E kosta aki, un biaha un santuario isolá, a wòrdu fòrsá den un bataya ínesperá – un kontra di un enemigu kruel, polushon di plèstik.

E kosta nòrt ku su bunitesa i barankanan grandi, tabata un refugio sereno ku apenas tabata wòrdu bishitá. Pero awó e ta un kampo di bataya kontra di un invashon di plèstik. E olanan ku nan poder imenso, ta trese plèstik shushi na e kostanan. Hasta den su soledad, e paisahe ta karga e sikatrisnan di un krísis ku no konosé límitenan. Akinan, mèimèi di e tereno yen di baranka, plèstik shushi ta pega duru na e kosta. E bòternan, sakunan, i pidanan di plèstik ta un rekordario di e lucha ku hopi biaha nos no ta mira. Tiki ta bai e kostanan aki pero esunan ku si ta bai por mira e bista teribel di playanan tapá ku diferente restonan di shushi.

Tòg, maske e invashon di plèstik riba e kosta Nòrt aki ta imposibel ninga, e ta solamente mitar di e historia. E menasa mas grande ta bou di e olanan. Ta e plèstik bou di superfisié ku poko poko ta pone nos ekosistema marino den peliger. Komo nos ta pasa dor di e páginanan padilanti nos lo eksplorá e menasa di plèstik den e ambiente marino, riba tera i tambe bou di e olanan.

REVELANDO E FUENTE: Esunan kulpabel pa polushon di plèstik E krísis di e medio ambiente tin diferente instigadó:

1. **Plèstik ku por wòrdu usá un biaha so: Ofensa duradero di tur dia**

Plèstik ku por wòrdu usá un biaha so manera saku, bòter, pipa, i tayó pa kome no ta djis kulpabel de bes en kuando; konstántemente nan ta den sirkulashon. Hende ta dependé di riba nan pa djis un par di minüt pero nan durabilidad ta sòru pa nan presensia dura largu. Enbes di disparsé, e materianan ta keda den e medio ambiente, gradualmente kibrando den pidanan chikitu. E transformashon di pidanan grandi di plèstik den pida chikí ta enfatisá e problema: uso eksesivo i e durabilidad ta krea un reposishon pa desaster. No ta eksistí algu komo 'afó'; e plèstik ta keda den medio ambiente i ta laga un marka atras pa semper.

2. **Maneho inadekuá di shushi:** Un desafio ku ta menasá Na hopi lugá den mundu, inkluyendo islanan chikitu i paisnan den desaroyo, e desafio di maneho inadekuá di shushi ta un preokupashon urgente. Resiklahe no ta fasil i e por ta kostoso. Hopi biaha falta e infrastruktura pa maneho efektivu di shushi. Komo resultado, plèstik shushi ta yega den medio ambiente, di kayanan i playanan te ku mal manehá. E ousensia di maneho di shushi ta empeorá e problema di polushon di plèstik, lokual ta laga komunidatnan den lucha ku su konsekuensianan.

3. **Impakto di ekipo pa piska:** Ekipo pa piska perdí of bandoná, konosí komo 'net di spiritu' ta hasi daño na bida marino, loke to kontribuí konsideráblemente na polushon di plèstik.

4. Pidanan chikitu di plèstik: E pidanan chikitu, hopi biaha menos ku 5mm, ta bin di pidanan di plèstik mas grandi i produktonan ku kralchinan hopi chikitu di plèstik. Nan ta drenta laman dirèktamente òf dor di e sistema di riolering.

E fuentenan aki, kada un ku nan mes kontribushon, ta parti di un problema kompliká di polushon di plèstik ku ta afektá nos ekosistema marino.

E IMPAKTO: Desenmaskará e konsekuensianan

E konsekuensianan di polushon di plèstik no ta djis skondí; nan ta trágiko:

Bida marino: Polushon di plèstik ta un menasa hopi grandi pa nos bestianan den laman. Turtuganan di laman, para, piská i mamíferos den laman ta ingerí of ta keda pegá den e plèstik ku ta resultá den herida of morto.

Disrupshon di e ekosistema: Polushon di plèstik ta stroba e ekosistema marino komo ku pidanan chikitu plèstik ta wòrdu komí dor di e animalnan ku ta biba den laman. Asina e peliger t'ei ku e pidanan di plèstik ta yega den e kadena di kuminda i lo afektá nos, ku ta kome kuminda di laman.

Ref di koral: Polushon di plèstik por sofoká i dañá koral, loke ta hasi nan mas vulnerabel pa malesa i blankeamentu, dañando e maravíonan bou di laman.

Impaktó ekonómiko i turístiko: Nos indústria di turismó ta dependé di playanan limpi i un ambiente marino prósero. Polushon di plèstik por prevení turista di bin Kòrsou i ta hasi dañó na negoshi, lokual ta afektá nos isla su ekonomia.

Si bo mira bo mester kere:

Ehèmpelnan lokal di polushon di plèstik

Pa komprondé e gravedat di e situashon i propogá kambio, nos mester revelá e problema. Den e paginanan ku ta bin nos lo parti ehemplonan lokal di polushon di plèstik na Kòrsou, tirando lus riba e nesesidat pa akshon kolektivo. Keda ku nos riba e biahe aki segun ku nos ta revelá e diferente problemanan di plèstik i eksplorá kon kada un di nos por hunga un ròl importante pa bira Kuidadó di Laman. Huntu nos lo enfrentá e menasa i protehá e paraíso marino ku nos ta yama hogar.

EKSPLORANDO E PROBLEMA: Invitashon pa bo wak e bo mes

Ya komo bo ta lesando e guia práktiko aki kaba, ta obvio ku bo ta kompartí nos preokupashon pa Kòrsou su ambiente marino. Os kier hasi uzo di e oportunitat aki pa dunabu un invitashon. Pasa tira un bista na un di e kostanan na Nòrtkant i mira e problema bo mes. Den e siguiente páginanan nos lo duna'bu informashon i konosementu di polushon di plèstik. Armá ku e konosementu aki, bo bishita na e luganan afektá por ta un eksperensia poderoso. Ta un oportundiat pa wak e problema di aserka i wòrdu inspirá pa tuma akshon signifkativo. Komo nos ta navegá e desafionan i solushonnan huntu, kòrda ku e poder di hopi ta nesesario. Nos tur ta Kuidadó di Laman, uní den nos dedikashon pa protehá i preservá e paraíso marino.



DI SUPERMERKADO TE KU OLANAN

E konekshon
entre konsumo
i sostenibilidat
marino

KAPÍTULO 2

Bon biní na e kapítulo ku ta demonstrá e relashon entre nos eskohonan diário i Kòrsou su ambiente marino. Akinan nos lo diskubrí e influencia profundo ku nos kustumbenan di konsumo tin i kon e konosemente aki por empoderá nos komo Kuidadó di laman.

FUERA DI PRODUKTONAN: E efekto di konsumo di rekursanan

Nos eskohonan komo konsumidó ta yega mas leu ku solamente e uso di produktonan di plèstik. Konsiderá e produktonan ku nos ta usa tur dia, manera telefòn, lèptop, òf e pañanan ku nos ta bisti. Kada produkto ta laga un marka ekologikó atras. I kisas ta parse ku e produktonan aki no tin un konekshon ku e ambiente marino di Kòrsou, pero nan ta konektá dor di un kadena di konsumo di rekurso.

Pa komprondé e konekshon aki, ban sigi e biahe di ora e materianan prima ta wòrdu saká te ku e produkson di e produktonan aki. Haña mineral mané "coltán" pa aparatonan elektróniko of katuna pa paña òf zeta i gas pa traha plèstik, hopi biaha ta sosodé den regionnan ku ekosistema delikado. Sakamentu di e rekursanan aki por stroba habitatnan natural, afektando tantu e ekosistemanan terestre komo esnan marino.

E fase di produkshon di e produktonan aki ta usa kantidatnan grandi di energía i rekursanan. Fábrikanan ta saka gas di efekto invernadero lokual por direktamente afektá e ambiente marino ora nan ta yega den e atmósfera. Cambio di klima, empeorá dor di indústrianan tin konsekuensianan pa temperaturanan di laman, impaktando bida i habitatnan marino.

E efekto di konsumo di rekurso ta un tópiko kompliká di kousa i efekto. E ta un suseso ku nos mester rekonosé hasta si e konekshon na nos eskohonan diairo no ta obvio mesora. Kada aparato elektroniko i paña ku nos ta kumpra of kada bòter ku nos ta usa ta kontribuí, aunke indirektaamente, na e estado di Kòrsou su ekostistema marino.

MARKA DI KARBON

E markanan di karbon ku ta wòrdu lagá atras dor di nos kustumbenan di konsumo no ta limitá na e fase di produkson so. Ta durante henter e siklo di bida di un produkto, inkluyendo e biahe di paisnan leu te na nos kostanan. Pa Kòrsou, un isla chikitu dependiente di importashon, e aspekto aki ta signifkativo.

Konsiderá e origen di e produktonan ku nos ta trese na Kòrsou, hopi ta bin di te otro parti di mundu. E proseso di saka materia prima, produkson i paketa ta djis e promé stap. E produktonan aki mester biaha pa distansianan hopi largu, mayoría biaha esaki ta inkluí involve diferente forma di transporte, pa yega nos isla.

E fase di transporte tambe ta kontribuí na nos marka di karbon. Barku, avion i trùk di transporte durante di distansianan grandi ta laga atras emishon ku ta kontribuí na cambio di klima. E fenómeno aki no ta djis afektá nos atmósfera; e ta yega te den nos lamannan.

E konsekuensianan di e emishonnan por wòrdu mirá den e temperaturanan di laman ku ta subiando i e ekosistema ku ta kambiando. E balansa delikado ku ta sostené e bida marino di Kòrsou ta wòrdu interumpí dor di e forsa invisibel pero inmenso aki. Komo konsumidó, hopi biaha nos ta balotá e konekshon entre nos eskohonan i e laman.

Rekonosiendo e marka di karbon di nos kustumbenan di konsumo ta krusial, espesialmente na un lugá manera Kòrsou unda nos ta depende asina hopi di importashon. Dor di komprondé e impakto mas amplio di transporte riba nos ambiente marino, nos por tuma desishonnan mihó informá i eksplorá alternativanan sostenibel ku ta minimalisá nos kontribushon na e fenómeno global aki.

PLÈSTIK KU TA WÒRDU USÁ UN BIAHA SO: Kumbinensia ku Konsekuensia

Awó, ban papia di e problema di plèstik ku por wòrdu usá un biaha so i e preis di kumbinensia. Plèstik ku por wòrdu usá un biaha so, mané sakunan di kompra, pipa i bakinan di kuminda, ta atraé nos ku nan fasilidat i kumbinensia. Pero nan kumbinensia tin konsekuensia. Nan ta fasil pa usa pero nan efektonan riba nos medio ambiente i naturalesa ta teribel.

Loke ta hasi plèstik ku por wòrdu uzá un biaha so asina malu ta kon largu nan ta keda henter eksistente. Ora nan wòrdu tirá afó, nan no ta disparsé. Na lugá di esei nan ta keda eksistí durante siglonan, graduálmente kibrando den pidanan chikitu konosí komo 'mikroplèstik'. E presensia duradero aki den nos medio ambiente ta pone ku e konsekuensianan ta persistí pa generashonnan.

Den konteksto di e krisis di polushon di plèstik na Kòrsou, plèstik ku por wòrdu usá un biaha so ta karga e responsbalidat. Komo nan ta asina komun, duradero, ta falta di un manera apropiá pa deshasí di nan, un kantidat hopi grandi di plèstik shushi ta yega den nos medio ambiente. Di shushi kanti kaya te ku polushon di nos laman, lokual ta parse ínofensivo, tin impaktonan di largu alkanse riba nos ambiente marino, afektando e esensia di e maravionan di kosta di Kòrsou.

BO ESKOHONAN DI KONSUMO: Bo herensia marino

Den a kapitulo aki nos a eksplorá e impakto profundo ku abo komo konsumidó tin riba e ambiente marino di Kòrsou. Kòrda, tur produkto ku bo ta skohe pa kumpra of nenga di kumpra tin un impakto riba e mundu ku nos ta krea pa nos futuro generashonnan. Ta importante pa konsiderá e impakto ekológikó ku e produktonan tin pa tempu largu, di produkshon te ku ora nan wòrdu tirá afó. Ku e konosementu aki, bo tin e poder pa forma un futuro mas sostenibel pa Kòrsou su bida marino.



TIRA KOS AFÓ KONSIENTEMENTE:

Manera di
deshasí di shushi
i sostenibilidat
marino.

KAPÍTULO 3

Manera pa deshasí di shushi ta un topikó importante ku efektonan profundo pa nos ambiente marino. E manera ku nos ta manehá nos shushi ta un aspekto di protekshon marino ku hopi biaha nos ta lubida. Pero e prinsipionan di maneho di shushi ta konektá ku e protekshon di nos tesoronan di laman.

Di e momento ku un produkto ta drenta nos bida te ku e punto ku e ta wòrdu tirá afó, nos eskohonan ta importante. E maneranan ku nos ta skohe pa tira shushi afó ta impaktá e salú di nos laman i playanan.

HERARKIA DI MANEHO DI SHUSHI: Prinsipionan di guia pa un mañan mas limpi

Maneho di shushi efektivu no ta djis di tira kos afó; ta di tuma desishon ku ta duna prioridat na sostenibilidat i minimalisá e impakto riba e medio ambiente. Pa navegá e paisahe kompliká di shushi nos lo kuminsá ku introdukschon di e herarkia di maneho di shushi, un sèt di prinsipionan di guia ku ta demonstrá e mihó práktikanan pa manehá shushi.

- 1. Prevení:** e manera mas efektivu pa manehá shushi ta pa generá menos di dje. Pa hasi esaki mester tuma desishonnan konsiente pa redusí konsumo di plèstik ku por wòrdu usá un biaha so i redusí produktonan ku empake dimas. Dor di evitá shushi ku no ta nesesario, nos ta hasié mas fasil pa nos sistemanan di maneho di shushi i asina protehá nos ambiente marino.
- 2. Bolbe usa un produkto:** promé ku un produkto wòrdu tirá afó, konsiderá si e por wòrdu usá atrobe. Hopi produkto por wòrdu usá pa un tempu mas largu ku nos ta kere. Reparando un produkto, usand'é pa algu otro òf hasi un donashon por amplia e produkto su utilidat, redusí e kantidat di shushi, i kontribuí na un estilo di bida mas sostenibel.

- 3. Resiklahe:** resiklahe ta hunga un rol imporante den maneho di shushi komo e ta prevení ku materianan ta yega landfil i asina redusí e nesesidat pa rekursonan nobo. Kòrsou a bai hopi dilante tokante resiklahe, i komo habitante abo tambe por kontribuí dor di separá i resiklá materia.
- 4. Rekuperashon di energia:** un par di materia ku no por wòrdu resiklá ainda por wòrdu usá pa generá energia pa medio di diferente proseso mané kimamentu di shushi. Mientras ku e opshon aki solamente mester wòrdu konsiderá despues di otro métodoonan, e por ta un alternativa mas sostenibel ku un landfil. Aktualmente, esaki no ta un opshon na Kòrsou.
- 5. Deshasí:** e lastu paso den e herarkia di shushi ta di deshasí. Pero, e meta ta pa minimalisá e kantidat di shushi ku ta yega landfil òf ku mester wòrdu kimá. Mester deshasí di shushi na un manera apropiá pa prevení kontaminashon i protehá nos medio ambiente.

SHUSHAMENTU: Un desaster pa e medio ambiente, ekonomia, i estétiko

Shushamentu ta e nivel mas abou i mas peligroso den e herarkia di maneho di shushi pasó' a no ta solamente shusha e medio ambiente, dañá e ekosistema i ta un riesgo pa animalnan pero tambe un karga ekonómiko riba komunitatnan mientras e ta dañando e aspekto estétiko.

An underwater scene featuring several colorful fish, including a large orange and white striped clownfish in the center, surrounded by numerous clear plastic bubbles of various sizes. The background is a clear blue ocean with some coral visible on the seabed.

KREANDO UN EKONOMIA SIRKULAR sosteniendo e medio ambiente di laman

KAPÍTULO 4

Konsumo responsabel i prevenshon di shushi ta harmonisá ku e konsepto di un ekonomia sirkular. Asina e por sirbi komo un modelo efektivo pa protehá e ambiente marino di Kòrsou i ofresé un manera pa redusí shushi, konservá rekursonan, i protehá nos maravianan na kosta.

KOMPRONDIENDO E EKONOMIA SIRKULAR i e benefisionan pa sostenibilidadat marino

E ekonomia tradishonal ta funshoná den un modelo di “tuma, traha i deshasí” kaminda rekursionan ta wòrdu saká, produktonan ta wòrdu traha i eventuálmente nan ta wòrdu tirá afó komo shushi. E método aki ta pone hopi preshon riba nos medio ambiente loke ta pone ku e rekursionan ta kaba i ku tin shushi dimas.

Adaptando e prinsípionan di un ekonomia sirkular i asina harmonisá e metanan di sostenibilidadat marino na Kòrsou ta krea un ekonomia sirkular ku ta interumpí e modelo di un ekonomia tradishonal dor di promové e siguiente prinsípionan:

- 1. Bolbe usa, redusí, resiklá:** e fundeshi di un ekonomia sirkular ta sinta den redusí e kantidat di shushi ku nos ta usa. Esaki kemen diseñá produktonan ku ta dura mas largu, apoyá bolbe usa un produkto i reparashon, i ampliá resiklahe pa mantené e materianan den sirkulashon. Dor di redusí shushi na e fuente i promové bolbe usa un produkto i resiklahe, un ekonomia sirkular por redusí e kantidat di shushi ku ta yega den e ambiente marino, protehando bida den laman i habitatnan.
- 2. Efisiensi di rekurso:** ekonomianan sirkular ta duna importansia na eficiencia di rekurso. Enbes di krea i apliká rekursionan nobo, nan ta enfatisá e importansia di usa rekursionan ku ta eksistí kaba. Esaki ta redusí e preshon

riba e ekosistemanan i ta redusí shushi. Esaki esepesialmente ta importante ora nos ta papia di un isla chikitu manera Kòrsou, na unda rekursionan ta limitá.

- 3. “Closed-Loop systems”:** sistemanan sirkular tin e meta pa krea “closed-loop cycles”, unda materianan i produktonan kontinuamente ta wòrdu usá atrobe i resiklá. Esaki ta redusí e nesesidat pa rekursionan nobo i ta minimalisá ku shushi ta wòrdu manda “landfil” of ku nan mester wòrdu kimá.
- 4. Ekstendé e durabilidad di produktonan:** dor di ekstendé e durabilidad di produktonan dor di mantenshon, reparashon, i renobashon ta redusí e frekuensia ku nan mester wòrdu remplasá, salbando rekursionan i tambe ta redusí e kantidat di shushi.
- 5. Oportunitat ekonómiko:** un transishon pa un ekonomia sirkular por krea oportunitatnan ekonómiko nobo mané’ negoshinan di resiklahé i restorashon, lokual por apoyá komunitatnan lokal i redusí e dependensia riba industria ku ta usa rekurso ku por tin mal influensia riba nos ambiente.
- 6. Resistensha kontra di kambio di klima:** un ekonomia sirkular por yuda amplia resistensha kontra di kambio di klima dor di redusí emishon asosia ku sakamentu di rekursionan, produkshon, i maneho di shushi. Esaki ta kontribuí na un ambiente marino mas salú.

An underwater scene showing a large, spotted fish swimming towards the viewer. The water is filled with numerous pieces of clear plastic waste, including bottle caps and fragments, floating around the fish. The background is a deep blue, suggesting an underwater environment. The text is overlaid on the right side of the image.

**TUMANDO
DESISHONNAN
MAS KONSIENTE
pa preservá laman**

KAPÍTULO 5

Den a kapítulo aki nos lo duna “tip” praktiko i strategianan ku tur hende na Kòrsou por implementá pa tuma desishonnan mas konsiente i kontribuí na preservá nos ambiente marino. Dor di sigui e guia, bo lo bira un berdadero Kuidadó di Laman.

REDUSÍ USO DI PLÈSTIK ku por wòrdu usá un biaha so:

1. **Evit'é.** Si bo no mester di dje, no kumpr'é
2. **Usa un saku ku por wòrdu usá atrobe** ora bo bai hasi kompras, pa eliminá e nesesidat pa saku di plèstik
3. **Trese un bo mes.** Nenga pipa di plèstik, fòrki -, kuchara -, kuchú -, tapadera - i kùp di plèstik
4. **Usa un bòter di awa ku por wòrdu usá atrobe.** Invertí den bòter ku por wòrdu usá atrobe i evitá kumpra bòter di awa ora ta posibel.
5. **Ekipahe minimó.** Skohe produktonan ku tiki - òf ekipahe ekológiko i evitá produktonan den hopi plèstik. Tambe evitá produktonan trahá di materianan nobo i tiponan di plèstik ku no por wòrdu resiklá na Kòrsou.

APOYÁ I SER PARTI DI e komunidad sostenibel:

1. **Kumpra lokal:** Ora ta posibel, apoyá negoshinan i produktonan lokal. Esaki ta redusí e ruta di karbon asosiá ku transporte di distansia largu.
2. **Produktonan ekológiko:** buska produktonan ekológiko ku ta wòrdu traha ku un impaktó minimó riba medio ambiente
3. **Haso donashon i ta boluntario:** kontribuí na - òf hasi trabou boluntario ku organisashonnan dediká na konservá laman

i sostenibildat na Kòrsou. Bo por yuda limpia kant'í laman of partisipá den aktividatnan di limpiesa den bo komunidad.

4. **Papia ku autoridatnan lokal:** Boga pa kambio. Papia ku hende di gobièrnu lokal i autoridatnan pa introdusí reglanan ku ta promové sostenibilidat marino.
5. **Minimalisá bo kantidat di shushi i resiklá korekto:** Informá bo mes di reglanan lokal di resiklahe i soru ku bo ta separá bo produktonan pa resiklá korekto.
6. **Usa aparatonan ku ta gasta menos koriente:** invertí den aparatonan ku ta gasta menos koriente pa redusí bo konsumo di elektrisidat.
7. **Paga tur lus i aparatonan:** Desaroyá e kustumber di paga tur lus i aparatonan ora nan no ta wòrdu usá.

LAG'É ATRAS mas mihó:

Ora bo ta bishitá playanan i luganan na kosta, no laga kos atras, dor di limpia i deshasí di shushi na un manera adekuá. Mas miho ainda ta pa lag'é atras mas limpi dor di piki shushi ora bo ta einan

Kòrda ku e desishonnan ku bo ta tuma kada dia tin un impakto grandi riba e salú di e medio ambiente di laman na Kòrsou. Dor di adoptá e komportashon konsiente aki bo por kontribuí na preservá nos maravio di nos kosta i bira un Kuidadó berdadero di Laman. Huntu nos por sigurá ku e paraíso marítimo ku nos ta apresia asina hopi ta keda vibrante i prospero pa generashonnan.

ENBOLBÉ KOMUNIDATNAN i rekursonan



KAPÍTULO 6

Pa enbolbé komunidatnan ta importante. Den e parti di e guia práktiko aki nos lo duna un par di rekursonan importante pa hende ku ta biba na Kòrsou i ku kier partisipá aktívemente den esfuersonan di konservashon marino i ku kier biba un bida mas sostenibel.

DJÒIN ORGANISASHONNAN LOKAL di medio ambiente

Pa ta enbolbí ku organisashonnan lokal di medio ambiente ta un manera poderoso pa kontribuí na sostenibilidadat marino. E organisashonnan aki hopi biaha ta organisá eventonan, tayer, i inisiativanan ku meta pa preservá e medio ambiente di laman na Kòrsou. Aki tin un par di organisashon ku e meta aki:

- **Stichting Uniek Curaçao,**
- **CARMABI**
- **Sea Turtle Conservation Curaçao**
- **Green Kidz**
- **Amigu di Tera**
- **The Hidden Green Movement**
- **Curaçao Cares**
- **Kollektivo**
- **Coral Restoration Curaçao**
- **Mangrove Restoration**
- **The Kunukuman**
- **Green Force**
- **BPM**
- **Club 17**
- **The Curaçao Clean Up**
- **Green Phenix**

Ademas, hopi tienda di sambuyá ta partisipá aktívemente den konservashon marino i ta ofresé oportunitat pa sambuyadónan i hende ku ta snòrkel wòrdu enbolbí den limpiesanan.

WORKSHOP EDUKASHONAL i Eventonan

Keda informá i eduká di sostenibilidadat marino dor di tayernan i eventonan. E aktividatnan aki no ta solamente ta sirbi pa amplia bo konosementu, pero tambe nan ta konekta'bu ku hende di ku manera di pensa similar.

Keda pendiente pa:

1. **Wòrkshòp di konservashon marino:** bishitá wòrkshòpnan ku topikó mané' preservashon di ref di koral, protekshon di diferente espesie den laman, i konsiensia di polushon di plèstik.
2. **Seminarionan di sostenibilidadat:** siña tokante di práktikanan sostenibel, prinsípionan di un ekonomia sirkular, i di bida ekologiko na seminarionan i eventonan lokal
3. **Un kaminata den naturalesa i eko-tours:** eksplorá Kòrsou su bunitesa natural i siña di su ekosistema pa medio di kaminatanan guiá den naturalesa i eko-tours.
4. **Festival di medio ambiente:** partisipá den festivalnan di medio ambiente ku ta hasi hende mas konsiente di konservashon marino i di bida sostenibel.

KONKLUSHON

Protehando e medio ambiente marino di Kòrsou



Komo nos ta konkluí "Kuidadó di Laman: Un guia pa habitante i di sostenibilitat marino riba Kòrsou", nos kier reflehá riba e puntonan mas importante ku nos a menshoná den a guia

práktiko aki. Nos ta spera ku e biahe aki a empoderá'bu pa bira un Kuidadó di Laman berdadero, dediká na preservá e maravionan di laman ku ta rondoná nos bunita isla.

RESÚMEN DI E PUNTONAN MAS IMPORTANTE

E nifikashon di nos medio ambiente marino: nos a enfatisá e rol importante ku nos medio ambiente marino tin den e kultura, ekonomia, i bienestar di Kòrsou. No ta djis un bunita bisti den fondo; ta e fundashon di nos identidat.

Konsiensia di polushon di plèstik: pa komprondé e fuente i impakto di polushon di plèstik ta hopi importante. Shushi di plèstik ta un peliger hopi grandi pa nos bida marino, ekosistema, i ekonomia.

E konekshon na konsumo: bo eskohonan di kada dia, di plèstik ku por wòrdu usá un biaha so te ku konsumo di rekursonan, ta afektá nos medio ambiente marino diréktamente. Konsumo sostenibel ta importante pa redusí nos impakto negativo.

Manehando polushon di plèstik: aplikando e herarkia di shushi – prevení, bolbe usa un produkto, resiklahe, rekuperá, i deshasí di shushi na un manera responsabel – ta esensial pa prevení polushon di plèstik.

Prinsipionan di un ekonomia sirkular: aseptando un ekonomia sirkular ta redusí shushi i ta preservá rekursonan, lokual ta benefisiá e medio ambiente marino di Kòrsou, su ekonomia i sostenibilidat.

Enbolbé komunitatnan: pa enbolbé ku organisashonnan lokal, partisipá den workshop i eventonan, i partisipá den inishativonan di konservashon ta maneranan efektivo pa hasi un diferencia.

BO KOMPROMISO na e medio ambiente di Kòrsou

Bo kompromiso na e medio ambiente di Kòrsou ta pa protehá i kuida nos maravíonan na kosta. Dor di tuma desishonnan konsiente i sostenibel, i partisipando den esfuersonan den komunitatnan, bo ta bira un Kuidadó di Laman. Bo dedikashon no ta djis pa bo mes pero pa generashonnan den futuro, loke ta sigurá ku Kòrsou su bunitesa ta kontinuá.

APOYO PA plama e palabra

Bo konosementu ta un hèrmènt poderoso pa kambio. Apoyá bo amigunan, famia, i komunitat pa kuminsá ku nan mes biahe komo Kuidadó di Laman. Kompartí loke bo a siña, inspirá otro pa tuma akshon i krea un kompromiso kolektivo na sostenibilidat marino.



GREENPHENIX.COM



Funded by the European Union
Financé par l'Union européenne



Implemented by Expertise France
Mis en œuvre par Expertise France



GFDRR



THE WORLD BANK
IBRD · IDA | WORLD BANK GROUP

In collaboration with GFDRR
En collaboration avec le GFDRR

